



BOSNIA AND HERZEGOVINA
Ministry of Human Rights and Refugees

Broj: JN-01-16-4-11-31/24

Datum: 24.06.2024

Ministar za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka b), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14 i 59/22), na Preporuku Komisije za nabavke broj: JN-01-16-4-11-30/24 od 12. 6. 2024. godine, u postupku o pružanju usluga servisiranja vozila (lot4), donosi sljedeću:

ODLUKU
o izboru drugorangiranog ponuđača
za nabavku usluga servisiranja vozila (lot4)

Član 1.

Poništava se Odluka o izboru najpovoljnijeg ponuđača za nabavku usluga servisiranja vozila (lot4) broj: JN-01-16-4-11-25/24 od 5. 6. 2024. godine, kojom je Okvirni sporazum za nabavku usluga servisiranja vozila (lot4), dodijeljen ponuđaču AUTOHIT d.o.o. Sarajevo, Hasana Merdžanovića bb, 71 320 Vogošća, Sarajevo, ponuda broj: 185/10/24, od dana 5. 4. 2024. godine, za ponudenu ukupnu vrijednost ponude sa popustom bez PDV-a od 2.243,38 KM, odnosno 2.624,76 KM sa PDV-om, kao najpovoljnijem ponuđaču.

Član 2.

Prihvata se Preporuka Komisije za nabavke broj: JN-01-16-4-11-30/24 od 12. 6. 2024. godine i Okvirni sporazum za nabavku usluga servisiranja vozila (lot4) se dodjeljuje drugorangiranom ponuđaču **GUMA M d.o.o. Mostar**, ul. Bišće polje bb, 88 000 Mostar, ponuda broj: 181-04/24SE od 4. 4. 2024. godine, za ponudenu cijenu 3.338,78 KM bez PDV-a, odnosno 3.906,37 KM sa PDV-om.

Član 3.

Izabrani ponuđač **GUMA M d.o.o. Mostar** je dužan, u roku od 5 (pet) dana nakon što bude obaviješten od strane ugovornog organa o rezultatima postupka nabavke, dostaviti dokaze o kvalifikovanosti u skladu sa članom 45. stav (1) tačkama c) i d) ZJN.

Ukoliko izabarni ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

Član 4.

Okvirni sporazum će se zaključiti sa izabranim ponuđačem na period od 1 (jedne) godine, u skladu sa uslovima iz tenderske dokumentacije.

Član 5.

Ova odluka će se objaviti na web stranici Ministarstva za ljudska prava i izbjeglice BiH (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, a u skladu sa članom 70. stav (6) Zakona o javnim nabavkama.

Član 6.

Za izvršenje ove odluke se ovlašćuje i zadužuje Sektor za opšte, pravne poslove i finansijsko-materijalne poslove Ministarstva za ljudska prava i izbjeglice BiH.

Član 7.

Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke usluge servisiranja vozila, broj: JN-01-16-4-11-1/24 od 20. 3. 2024. godine. Javna nabavka je provedena putem konkurentskog zatjeva za dostavu ponuda za nabavku usluge servisiranja vozila. Procijenjena vrijednost javne nabavke (lot4) je 3.418,80 KM bez PDV-a, odnosno 4.000,00 KM sa PDV-om. Obavještenje o nabavci, broj: 679-7-2-14-3-25/24 od 21. 3. 2024. godine je objavljeno na Portalu javnih nabavki. Tenderska dokumentacija, broj: JN-01-16-4-11-2/24 od 20. 3. 2024. godine. Komisija za nabavke imenovana je Odlukom broj: 01-16-4-201-1/24 od 24. 1. 2024. godine i Odlukom o izmjeni Odluke o imenovanju Komisije za nabavke broj: 01-16-4-201-2/24 od 5. 2. 2024. godine.

Komisija za nabavke dostavila je ugovornom organu, ministru za ljudska prava i izbjeglice BiH, Zapisnik o pregledu i ocjeni ponuda, broj: JN-01-16-4-11-22/24 od 8. 5. 2024. godine, Preporuku o izboru najpovoljnijeg ponuđača, broj: JN-01-16-4-11-23/24 od 8. 5. 2024. godine i Izvještaj o radu, broj: JN-01-16-4-11-24/24 od 8. 5. 2024. godine, u postupku nabavke usluga servisiranja vozila (lot4).

U postupku, po Izvještaju o radu, utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku zaprimljene ukupno dvije (2) ponude;
- da su blagovremeno zaprimljene dvije (2) ponude;
- da su ponude ponuđača AUTOHIT d.o.o. Sarajevo i GUMA M d.o.o. Mostar kvalifikovane i prihvatljive i da su dostavljeni svi traženi dokazi propisani Tenderskom dokumentacijom na propisan način.
- da je zakazana i provedena e-aukcija dana 8. 5. 2024. godine u 14,00 časova.

Komisija za nabavke II je tokom evaluacije i ocjene zaprimljenih ponuda izvršila rangiranje ponuđača i utvrdila razlog za traženje objašnjenja za neprirodno nisku cijenu. Razlika između ponuđača AUTOHIT d.o.o. Sarajevo „Ukupna cijena ponude je 2.624,76 KM i ista je za više od 20% niža od cijene drugorangirane ponude koja iznosi 3.906,37 KM.

Dana 23. 4. 2024. godine ponuđaču AUTOHIT d.o.o. Sarajevo, je upućen zahtjev JN-01-16-4-11-22/24 za objašnjenje neprirodno niske ponudene cijene.

Ponuđač AUTOHIT d.o.o. Sarajevo je dana 26. 4. 2024. godine, dostavio Obrazloženje neprirodno niske cijene, u kojem je navedeno da je ponuđač AUTOHIT d.o.o. Sarajevo ponudio cijene koje su standardne u njihovom servisu, gdje se radi sa originalnim Nissan dijelovima i uljima i da su cijene iz ponude javne i iste i za sve klijente njihovog servisa. Dijelovi za Nissan se nabavljaju od istog dobavljača za tržište Balkana.

Komisija je konstatovala da je ponuđač AUTOHIT d.o.o. Sarajevo pravovremeno i ispravno dostavio Obrazloženje neprirodno niske cijene. Komisija je pročitala, razmotrila i jednoglasno prihvatila pojašnjenje ponuđača AUTOHIT d.o.o. Sarajevo. Nije bilo razloga za odbijanje ponuda zbog neprirodno niske cijene.

Dana 5. 6. 2024. godine svim ponuđačima u postupku poslano je: Obavještenje o rezultatu postupka javne nabavke, Odluka o izboru najpovoljnijeg ponuđača i Zapisnik o pregledu i ocjeni ponuda.

Prvorangirani odabrani ponuđač AUTOHIT d.o.o. Sarajevo, u ostavljenom roku (5. 6. 2024. godine – 10. 6. 2024. godine), nije dostavio tražene dokaze o kvalifikovanosti, u skladu sa članom 45. stav (1) tačaka c) i d) Zakona o javnim nabavkama.

Tenderska dokumentacija

TAČKA 3. USLOVI ZA UČEŠĆE I POTREBNI DOKAZI

3.1. Da bi učestvovao u konkretnom postupku javne nabavke, ponuđač mora zadovoljavati minimalne kvalifikacione uslove, utvrđeno srazmjerno predmetu ove nabavke i to:

3.1.1. Lična sposobnost – član 45. stav (1) tačke c) i d) Zakona

Ugovorni organ će odbaciti ponudu ako

- Ponuđač nije ispunio obaveze u vezi sa plaćanjem penzionog i invalidskog osiguranja i zdravstvenog osiguranja, u skladu sa važećim propisima u BiH ili propisima zemlje u kojoj je registovan;
- Ponuđač nije ispunio obaveze u vezi sa plaćanjem direktnih i indirektnih poreza, u skladu sa važećim propisima u BiH ili propisima zemlje u kojoj je registovan.

Dokazi, koje je dužan dostaviti izabrani ponuđač, moraju sadržavati potvrdu da je u momentu predaje ponude ispunjavao uslove koji se traže ovom TD. U protivnom će se smatrati da je dao lažnu Izjavu. Dokaze o ispunjavanju uslova je dužan dostaviti u roku od 5 (pet) dana zaprimanja obavještenja o rezultatima ovog postupka javne nabavke.

Imajući u vidu da je u konkretnom slučaju odabrani ponuđač AUTOHIT d.o.o. Sarajevo, propustio dostaviti originalne ili ovjerene kopije dokumentacije iz člana 45. stav (1) tačaka c) i d) ZJN, ne starije od tri mjeseca računajući od dana predaje ponude, u roku koji odredi Ugovorni organ, Komisija je predložila Ugovornom organu donošenje Odluke o dodjeli ugovora drugorangiranom ponuđaču GUMA M d.o.o. Mostar.

U postupku donošenja ove odluke, posebno su cijenjene činjenice da je Komisija za nabavke, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministar za ljudska prava i izbjeglice BiH nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Tenderskom dokumentacijom i e-aukcijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci i Tenderskoj dokumentaciji.

	Naziv i sjedište ponuđača	Kriterij - najniža cijena (sa popustom bez PDV-a)
1.	GUMA M d.o.o. Mostar, ul. Bišće polje bb, 88 000 Mostar	3.338,78 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 2. ove Odluke.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 5 (pet) dana od dana prijema ove Odluke.

MINISTAR
dr Sevlid Hurić



Dostaviti:

- Ponuđačima,
- Sektoru za opšte, pravne i finansijsko-materijalne poslove,
- a/a.